

Broj: 01-11-9-5930-17/25

Datum, 26.03.2025. godine

Na osnovu člana 70. Zakona o javnim nabavkama ("Službeni glasnik BiH" broj: 39/14 i 59/22, 50/24), člana 46. Statuta, člana 18. stav (2) Pravilnika o javnim nabavkama „JP BH Pošta“ d.o.o. Sarajevo, i preporuke Komisije za nabavku usluge održavanja klima uređaja u objektima CP Zenica, broj: 10.4.6-11-9-5930-16/25SL od 26.03.2025.godine, Generalni direktor "JP BH POŠTA" d.o.o. Sarajevo, d o n o s i :

## O D L U K U O IZBORU NAJPOVOLJNIJEG PONUĐAČA

### I

Ovom Odlukom vrši se izbor najpovoljnijeg ponuđača „ **GLOBAL LOGISTIC d.o.o. Banja Luka** u postupku javne nabavke **usluge održavanja klima uređaja u objektima CP Zenica**, sa ukupnom vrijednošću ugovora u iznosu **7.690,00 KM bez uračunatog PDV-a**, odnosno **8.997,30 KM sa uračunatim PDV-om**.

### II

Izabrani ponuđač je dužan u roku od 5 (pet) dana od dana prijema ove Odluke o izboru najpovoljnijeg ponuđača dostaviti dokaze predviđene članom 45. Zakona o javnim nabavkama, u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu Odluke o izboru, u radnom vremenu ugovornog organa (do 16,00 sati), te za ugovorni organ nije relevantno na koji način su poslani. Dokazi koji se zahtijevaju moraju biti originali ili ovjerene kopije.

### III

Nakon pravosnažnosti ove Odluke, Ugovorni organ će pozvati izabranog ponuđača iz tačke I ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

## O b r a z l o ž e n j e

Na osnovu Odluke o pokretanju postupka javne nabavke: broj: 01-11-9-5930-1/25 od 25.02.2025. godine, sa procijenjenom vrijednošću nabavke u iznosu od 7.695,00 KM bez uračunatog PDV-a i Rješenja Generalnog direktora o imenovanju Komisije za nabavku broj: 01-11-9-5930-5/25 od 28.02.2025. godine, proveden je postupak javne nabavke usluge održavanja klima uređaja u objektima CP Zenica, putem konkurentskog zahtjeva za dostavljanjem ponuda, objavljivanjem Obavještenja o nabavci, broj: 24902-7-2-5-3-6/25, dana, 11.03.2025. godine na Portalu javnih nabavki, sa objavom tenderske dokumentacije. Rok za dostavu ponuda je bio 24.03.2025. godine do 13,00 sati.

Javno otvaranje ponuda u postupku predmetne nabavke je održano dana, 24.03.2025. godine u 13,30 sati, u prostorijama Centra pošta Zenica, o čemu je sačinjen poseban Zapisnik o otvaranju ponuda, koji se dostavlja u prilogu ovog Izvještaja. Otvaranju ponuda nisu prisustvovali predstavnici ponuđača.

Komisija je prije samog otvaranja ponuda konstatovala slijedeće:

- da je sa portala javnih nabavki ukupno je preuzeto 11 (jedanaest) tenderskih dokumentacija;
- da je do roka za dostavljanje ponuda pristigla ukupno 1 (jedna) ponuda, i to od ponuđača:  
**1. GLOBAL LOGISTIC d.o.o. Banja Luka**, br.protokola 10.4.6.-11-9-10896/25 SL;
- da je blagovremeno pristigla koverta neoštećena, uredno zapakovana i zapečaćena;
- da je na kovertu sa ponudom stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust, ne praveći uvid u sadržaj i validnost dostavljene dokumentacije.



## GENERALNA DIREKCIJA

Nakon izvršenog otvaranja blagovremeno pristigle ponude, Komisija je pristupila analizi i utvrđivanju validnosti iste, obzirom na zahtjeve ugovornog organa iskazane u tenderskoj dokumentaciji, odnosno vrijednovanju ponuda, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, broj: U.D-01.04-700/23 od 11.01.2023. godine.

Analizirajući otvorenu ponudu za nabavku usluge održavanje klima uređaja u objektima CP Zenica, Komisija je konstatovala slijedeće:

1. Da ponuda ponuđača „**GLOBAL LOGISTIC**“ d.o.o. **Banja Luka**, sa ukupnom vrijednošću ponude u iznosu od **7.690,00 KM** bez uračunatog PDV-a, u potpunosti ispunjava sve formalno-pravne, tehničke i ekonomske uslove, odnosno zahtjeve ugovornog organa definisane u tenderskoj dokumentaciji, te je shodno tome ocijenjena **prihvatljivom** za ugovorni organ i može biti predmet vrijednovanja.

Cijeneći činjenično stanje Komisija je konstatovala da je za javnu nabavku održavanja klima uređaja u objektima CP Zenica, pristigla ukupno 1 (jedna) prihvatljiva ponuda za Ugovorni organ.

Shodno Pravilniku o uslovima i načinu korištenja E-aukcije ("Službeni glasnik BiH" broj: 80/23), tačnije članom 4. stav 2. Pravilnika, Ugovorni organ nije zakazao E-aukciju obzirom na to da je pristigla ukupno jedna prihvatljiva ponuda, već je predložio nabavku okončati u skladu sa članom 69. Zakona.

Cijeneći navedeno, shodno kriteriju „najniža cijena“, Komisija je jednoglasno dala preporuku Generalnom direktoru da donese: Odluku o izboru najpovoljnijeg ponuđača u postupku nabavke usluge održavanja klima uređaja u objektima CP Zenica, ponuđaču „**GLOBAL LOGISTIC**“ d.o.o. **Banja Luka**, kao jedinom ponuđaču koji je ponudio najnižu cijenu prihvatljive ponude sa ukupnom vrijednošću ugovora u iznosu **7.690,00 KM** bez uračunatog PDV-a, odnosno **8.997,30 KM** sa uračunatim PDV-om.


Imajući u vidu sve navedeno donesena je Odluka kao u dispozitivu.

**PRAVNA POUKA:**

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu Ugovornom organu u roku od 5 dana po prijemu Odluke o poništenju shodno članu 99. i članu 101. Zakona o javnim nabavkama i to radnim danima u radno vrijeme.



GENERALNI DIREKTOR

  
Adis Šehić, dipl.ing.saob.

Dostaviti:

- Centar pošta Zenica (Nosilac posla)
- Sektoru za EKF
- Marketingu (za objavu)
- Odjeljenje za javne nabavke
- Ponuđačima putem Komisije
- a/a